

廿九、德修層次一至十二

德理啟蒙層次

眾生踏足紫壇修習德理啟蒙，可參悟『真假篇』(一)。世人累世慣性，故難明於德，啟蒙則為啟發無明。『真假篇』乃為人性無明者說法，若參透篇中真義，則透徹自我內心慣性惡性。見己身錯，知錯即改，善大莫焉！若無明於自我，專指他人錯，何以言修？然欲剷除慣惡性，非朝夕之功可為。蓋慣性、惡性，藉口護身，為私我顏面自尊而難認錯，故須以恆耐習之。修習德理啟蒙，乃為最難突破之層次，若能明認己錯，啟蒙則稱可格也！

德理二層次

此層次師聖以『三殘篇』供眾子深思。身軀乃護魂之用，五蘊乃護體之用。今世人已忘軀之真義，一味沉溺於五蘊身軀之享受，為慣惡性所控。三殘篇提醒眾子，莫為五蘊慣性所牽。修習以圓融為主，若修德者，執於私我，心胸不平，難容他人，則難於圓融。德理二層次，已無須多費時於理論，只須以正道、正念之行取代慣惡之性。欲精進此層次，須修得心中絕無我敵，凡喜惡皆能容之，若存善惡真假區分，此層次難過關。

德理三層次

此層次為擺脫慣惡性所控，五蘊不易為外界所牽，三魂開始趨向平衡。德理三層次以三魂平衡為主，三魂既平，則漸由魂恢復原本之靈，即三靈，正道之光因此而來。然因所修之德理，尚欠圓滿，故此正光稱有漏正光。欲跨步此三層次，自我內心須清除私我痼瘕。此層次身心已感平靜，明徹德理，心中無私執掛礙，無我私敵，一切返樸歸真，已可意會何謂逍遙。此層次即佛曰之證四果，阿羅漢是也！德理首、次層次須以德理輔導，德理三層次已非德理所能為，然雖修得平魂，初轉之三靈尚須煉其純。

不覺層四至十二層次

德理四層次直到十二層次，稱不覺層。凡步入此層次，已無私我雜念。徹底清除私我，乃為提昇靈之正光純度。凡地星靈界、天道、仙界、神界，雖得正光，然亦多還未得無漏正光，故僅多往來地星陰陽兩界而已。若欲歸大道，正光純度須達無漏，方可為之。由四層次開始至十二層次，已非文詞言語可表達，唯正光之熾使然。凡步入四層次者，雖是肉身，然已神人合一。正光之光字乃為借用詞，因世間難有一詞可代之。

註： 三靈：神道所俱者三靈；靈光、靈量、靈能。
 人所俱者三魂；元靈、理性、慣性。

痼瘵：病

熾：神道所修之能量。